

湘綺樓日記

一九

湘綺樓日記

光緒十一年乙未

乙未正月癸酉元旦陰煊家人晏起余與摺生放爆竹開門以待來客將午乃謁

廟受賀瞿郎海漁獨入見餘客盡謝之夜與子女十五人六簾熱甚汗浹夜分乃罷已見星矣

二日晴李洛才來欲入無坐處皆未灑掃也余家弛惰如此午後胡壻來余適欲出怱怱數語而行從西繞南至東唯見學使江標建霞清於馮煦腴於吳撫似是有用材至曾祠飯笠僧堂道素俱在又一僧局關當家者飯罷同過道鄉而別

三日大晴晨起太晏樓門關矣朝食後道僧先來云不能待笠素已而鄭少耶至幸未摸腳明心復來與笠素同齋不及去年歡飽彭桐孫復闖

入已去余乃避樓上夜擲骰鷄鳴時大風吹寢門開未能關棖

四日風仍晴爲張雨珊寫詩窻女還留戲一日從子女三人小者余尙未

見

五日晴始理叢殘書籍日理一篋以爲日課沅陵令送乾脩來與董子宜

夜煊成雨莊但來但未見

六日復晴鄭太耶李洛才招游定王臺不作此會正十年矣欣然命舁善

化王令亦預爲主與程子大吳楚卿同集夜散見月得句云漢時月色

七日晴煊作成昨詞因國忌未出鄭七笠僧來湘臬新遷城中爭鬧彭稷

初來談

八日晴家人并出獨留守舍胡壻來夜轉風復吹門開頓寒楊兒來

漢時月色

向古城一角長窺詞客試展重梅歲春來探消息環珮歸時夜冷料

兔園未到樂外歡娛堪憶時有幽禽覩苔石休道長沙地小長樂外歡娛堪憶時有幽禽覩苔石休道長

九日陰雨風不可出葉麻子來躁妄殊甚湘潭派無此村野童生派也因
當會於學院故先來見去後余卽先過心安少村答其加禮均不得入
至學署尙早頃之葉至云黃子壽孫欲見余請江學使要之復辭不至
心安繼至看字畫有王原祁三種均不佳又有樂廷玉點將錄亦未知
何人字句頗有小致還已街鼓甚寒

十日壬午立春寒雪始從心安處得曆本鄭少耶郭見安來見安叔母卒
哭服內遽著補服甚可皇駭昨正談其六書討源故與言之夜移樓中
寢

十一日大雪冰凍終日在樓絨子兒來犯寒陸行甚怱怱且留之小住城
中少夫力並留其二傭工助裝任也近日閒民甚驕惰不便於事江使
送圖來請題報以二書

十二日雪消題江藩募梓圖並填小詞頌華蘭貞

江學璽母也

頻改未穩乃知

遣詞不易王逸梧招陪伍教官趨往則伍不至唯甲子劉君閻柜香楊
兒略可識又一蕭生及王蓮生葉麻子游談而散夜漏溼女牀家人不
寤自起料理遂曉矣

十三日晨題華圖

歐氏灰寒孟家機煖長是辛勤慈母紫誥回鸞金觴捕
鯉春暉待報難補寫不盡書燈味當年折衷處歲華

暮問從來雪叨冰垢幾曾見翠柏碧筠寒沍莫作傲霜看想人生隨分
爲遇玉樹庭階喜承歡更有謝絮只披圖暗恨我亦曾經茶苦法曲獻

仙意真讀服篇遂不能成誦其愚不可及竟日鬪牌乾元二子來

十四日陰請搢子看船乾元二子去鄭太耶李洛才黃望之相繼來遂至
日夕莊心安招飲王張但周同集王張無禮道臺有禮

十五日陰有雨晨興無事郭見安來云王賡虞佐北洋 朝廷以權臣待

李鴻章李未嘗以權臣自居又古來所未有夜雨妨鐙寒風悽惻

十六日晴待船未至且停一日出答郭鄭李黃遂赴團拜已遲矣公請唐

瞿子玖不來藝農則坐胞叔之上所謂仁內義外打諢寫意至戍而散

十七日晴將出城而雨行李零星紛紜一日召周姬侍行別經年矣不可復待乃詭云夫死可來是以起用

十八日陰行李唯二力轉運家人坐視切責功兒乃又急送諸妹出城其不通如此張正暘來亦不遽見惡其多詐也過晡乃得出城上冢急還登舟尙未暮滋紂復真懿兒已先在撝子盈孫亦從去女僕金周男工吳戡并杉塘二工凡十五人侍從極盛也遂宿朝宗門下

十九日陰西北風移泊小西門船人朝食畢乃行得順風夜二更泊觀湘門懿欲登岸遣視石珊弟頃之同來亦欲同行約明晨至遂去買食物無錢而止夜雨防漏不寐

廿日陰雨纜行四十里至姜畬已暮撝子去乾元二子來輔庭亦至岸邊以無跳版辭之許紅橋來均約次日往食

廿一日晨雨不可登岸船人亦遽發遂至湖江口中遇大風疑此行不順

衣被書箱皆當霑溼正旁皇間杉塘二夫以舁來迎盈生余留盈徑往山塘而附其便舁至姜畚踐約至巳午矣頻欲大雨而霽夜飯許鴈峰家遣要陳枚根不至還宿乾元

廿二日晴煊朝食後呼舁還山至則行李猶未上因以己舁迎周姬來塵糞不可理姜畚三力助之拚除乾元二子來讀書令四孫居兩房石珊居前房未夕而定但覺餓甚飽食而寢黃昏復起小坐覓食未得又復睡去夜分聞門研聲起喚諸傭則卅姪看花鼓還來打花鼓也牽率老夫乾笑而已

廿三日晴定諸生日課馮卜甲周翼雲張子持來俱空坐而去煊不可裘至夜大風雷電

廿四日風拍門動屋竟日無雨七篋來訴傳團總報賭據其言亦有聲勢留飯無飯鄉中覩見異事也夕去燎火禦寒

廿五日丁酉雨水晴改課文以名培爲第一知引經也田猛子來王明山
長孫來年十二矣長腳似秦相貴骨也留點心待之

廿六日晴陰石珊去乾元二子歸上學華二來彭稷初專足來求書于江

督奇想也不可以卻從而與之

孝達年先生尙書節下二追紀嘆遠兩宵
談譙還舟迅邁八日抵家追想動劬但宵

時有永歎然江綏南福爲署已前話李劉館之疊微蟲未盡詞送死從容心造尤膝亮有水其
矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

矣而農棄人唯富事游鑽營日計滋散純州實盤之鹽二局然已盡五萬金卅鹽年來幾之二百運

一積習仰助鴻綱特以私恩同之請託闔運資格境地本應乾館之條偶
一千求知當笑許其或大風吹塌一洗凡空悉罷諸差爲風俗人心之偶
焉計則清源正本又何求及夜起寫書家人熟睡唯兩女未寢至廚房廚人

夜闌猶未吹鐙反爲詫事也

廿七日陰風滿紳姜麻來余志在看學差未遑與語從曲尺塘至大路扛
擔紛紛不絕還後山乃更近於道旁頃之聞呵殿聲似欲停轎家丁皆
往橋市迎客倉卒無一人自出接帖周姬送茶江編修已入室矣縱談
三時許兩點一粥上鐙乃去

廿八日晴大霧晨起送江學使至火祠客辭當去乃出還朝食遣戴明華
二去要馮甲同過王姬家答其遣曾孫來禮留飯未欲食既食甚飢竟
飯二盂飲啄猶不得自主如此更過譚洪才還已昏矣石珊來又去

廿九日晴搢子攜瑞孫來七篋弟復來留瑞管家卽令去取被裝搢遂不
去攜諸女游後林張子持來

晦節晴看逐年日記鈔七律詩周翊雲來夜講沈宋應制詩起覓沈詩未得

二月癸卯朔晴滋女欲過田家未去彼已備辦又當詣王家王嫗先來余避林下已而聞伐木聲自呵止之乃不可隱入與相見滋便與同去三女并去轎力未備至昏乃使傭婦行曠野無防已甚余甚慮之幸轎往還疾速未至籠鐙耳凡詣兩家便食兩餐

二日晴陰瑞孫及岫孫來岫爲吾家通童頗有老師宿儒之貌人客擁擠一席不能容余遂別饌石珊又來

三日陰昨夜微雨搢岫俱去石珊夜亦去余不起火則兒女爲我累起火又無定處殊難擺佈看前廿年日記大要爲妻妾所擾枉用道術全無效驗不如與之鬼混近年則爲賓客所擾又不可鬼混者然則道不勝命理不勝數仍以鬼混爲長一言以蔽之曰傷哉貧也貧而充富所謂

羊質虎皮夜煊瑞留管帳不去

四日陰雨復寒午後大風看日記張金剛無題詩未錄半遺忘矣

五日雨連日補作驛程詩記看保定道中水道全無影響畿輔水利殊難言之卽壽衡所謂子牙河亦未見也

六日晴佃戶送租亦從來所無之事國安去

七日晴諸生并去乾元爲國安長子周晬請酒也滋女亦攜子去家中唯三女一傭嫗余移內室照料田小雷來

八日晴王家請陪子師王姓字印潭俊民族兄弟子年垂老矣讓坐甚堅主婦出安席余固辭見其二弟子一李一湯湯年卅餘矣復來讀書亦一奇想夜雨三子已歸

九日雨谷子與團總來賣珠珠已對穿不可用矣張木匠來索椅子又議豎門因雨不至周翼雲來櫻桃一花

十日壬子晴南風扇春寅初驚蟄鰭兒打架其聲甚厲余起至書室正見一人臥榻上驚責諸生鄉人不知規矩可咤也大風驅雨復去徘徊阡陌間石珊告去

十一日晴煊遣迎滋女頻出候之不至王塾師及其弟子李生來乃昇從紛然亦至未幾遂暮說三賜不及車馬較前稍安夜風微雨旋至還寢早眠

十二日雨風許兩生來佳客忽臨甚爲欣遇留坐不可堅辭而去大風泥滑其行勿勿亦未堅留之間覃谿攷定論余未之見午後小霽鄰有盜至

十三日雨未酣透風亦間作督工移雙柱內庭種櫻桃地下繡水經注校語總錄之得六十八條亦可成一卷石珊又來

十四日陰晴石珊弟去彼管公糊塗無帳可算公私交困吾許爲填補瑞

生代之也瑞生人地生疎遣還募人

十五日陰朝食後出門閒望見二客來則周生偕王鳳喈來訪邀至雲峰菴看叢館師陳岱生譚心蘭甥也留飯遇雨舁還已暮

十六日陰周張陳復來云欲訪韓石泉問地球圖因雨泥未同去瑞生募一傭來沈子粹送詩來

十七日陰韓石泉及朱通公來石泉開廓無鄉派少坐去云圖小不能載州縣當更拓之蕭順思妻來

十八日陰寒大風張正暘來吾固知其必歸此人自入學以來恍惚無定蓋所謂希當大任者留宿一夜自赴團總之招接席一王老秀才自云與我同入學蓋人字題人物也問同案唯知周權黃茂皆死矣大風吹轎頂去步還耳冷欲墮俄而便煖春寒不似冬也

十九日大風昨夜小雪今復間作冰凍似凝寒時蕭妻告去乃借得千錢

欲小揮霍頓去六百矣張生亦去風雷達旦傭工戀土逃去

廿日風雪閉門自謂蕭然七篋闖入大敗人意竟二晝夜皆燎火自煖爇薪告絕夜寒不成寐看課文以懿第一能引明堂位證木鐸唯天子有之

廿一日晴雪消猶寒看松雪欲賦未能寫字手冷且散學忽聞有客來見一人不識也視其片鄧炳麟心知爲舉人檢日記不記其字七年三見猶不省憶有愧於褚淵多矣特爲陳福山郵書尤爲可駭陳不余識而來求信余報書云非我湘潭無此冒失人也鄧不肯飯恩恩便去其廣德當宣之類耶夜作書復陳喬兼與夢虎消受得漱口盃酒茶杯也三更乃寢復蓋冬被

廿二日陰陳弁晏起亦爲異事以此攻敵何敵不摧湘軍暮氣如此說古者言之不出爲言不出位今者言道國爲政則躬不逮矣此砭人喜談

經濟者亦以自解無其位而言其事也

廿三日晴晨雪尙飛知昨夜復得一二寸樹枝積素猶未落也春雪兆水
今年特甚遂連六七日從來所未見而鄉人云乙酉年有之余在蜀未
歸耳擗子復來

廿四日陰晴雪尙未消天氣猶寒張生來言訟盜事余云盜無重罪訟須
萬錢不如徑釋之至暮盜來謝且求助焉此鷦盜無能耐專擾知舊非
可化誘者未之見也鄉人又來言積穀事

廿五日丁卯春分晴李有飛花桃新半放閒游本山見林樹均盜斫盡矣
然新松數千已有成林之勢不出十年復叢密矣敗子其柰我何乾元
子師湯幹廷譚復卿來開枝長女許來譚團總陳岱生來二師留宿余
暫居內寢得城書金嫗云牛在田邊余不解其語周嫗云村話也已五
夜矣銀爲張楚寶所送

廿六日社散學要陳湯譚同朝食甲總來請入倉許之飯後攜國孫同行
至田家周生先在云其業師以老科被訟欲求解之云未能也爲作一
呈詞言譜年不足據學冊可憑純乎官話也卽邀田周趙同至六都團
總王鳳喈家待飯甚久乃出從南柏塘還周趙留湯譚早分道去矣余
與陳田國行過沙子壩甚似流水石湍從湖口渡木橋訪古城土人欲
以之當漢湘南韓生云周二里半無此小城必砦基也韓生字石泉以
輿地名卽在城間上因至其家看日本圖請其鈎影輪廓向夕促歸過
張生門其翁扶杖迎候要入具食感其殷殷竟食半盃還至炭塘田陳
分道去余與國孫歸國誤失道引入荆棘中從對門塘頭乃得路入門
則雲卿次女楚已先到相待與談族人如夢如古事余倦欲眠乃還寢
廿七日晴煊熊瑛石華來攜子同行之沔陽徵收歲千金渠加以月課卷
甚得意而無一餘仍當往也午飯畢沈子粹陳佩秋來沈亦攜子

翼楚生

女甫去曙婦又來人客總集內外忽忙幸瑞生去得一空牀余避入內室夜分始寢

廿八日晴煊辰正飯後客去田生具舟南柏塘余步送看桃花烘日成紫荊色亦奇觀也過張武元店小坐看舟發乃還至門許生又相待矣張犯官又寄二百金瑞生昨去屯米與同來也與書程十郎問鹽局事兼爲熊謀鄉人又來迎議積穀往則團總未至無定議而還

廿九日晴晨起聞廚人言昨夜盜取脯腊數十斤而去蓋以此謝恩也欲遣人蹤迹之而皆正人不可遣趙否來言挨打事甚有德色姜店來追債告以無可問矣今日所理皆極鄙事惜無鄙人共之人材難得袁正一也後山看桃花差爲解穢

三月壬申朔晴煊夾衣猶熱講書未畢唐五先生來亦王氏門壻也子明族父與弟薰甫不睦來訴委曲觀其弟所爲令人髮指宜子明之特委